



**Құмарова Адлия,
дарынды балаларға арналған «Восток» мектеп-кешен
орталығының
10 сынып оқушысы**

Мен үшін елімді дамыған
елдердің сапына тұрғызып,
санатына қосудан үлкен
мақсат жоқ
Н. Назарбаев

Қазақстан Республикасының Жоғарғы Кеңесінің салтанатты мәжілісінде Қазақстан Президенті Нұрсұлтан Назарбаев халықтың алдында ант берді. Тарихтың шежіресіне «10 желтоқсан 1991 жыл» дегеннен кейін осылай бір ғана жол болып түсер бұл оқиғаның біз үшін жөні мүлдем ерекше. Алғаш бүкіл халық сайлаған Президент.

Ақ киізге отырғызып, Хан көтеру халқымыздың ежелгі тарихында бар еді. Бірақ, одан бері қаншама су ақты, қаншама ұрпақ ауысты. Алдымен, отаршылар хан мәртебесін қазақтың дербестігі ретінде санап, оны жоқ етті. Хан – елдіктің ең жоғарғы қызметі болса, сол қызметті жою арқылы біздің елдіміздігін жойды. Хан көтеру – тұтастықты, бірлікті, бір уәдеден табылуды анық көрсететін дәстүр еді.

Хандық ұмытылған соң, тәуелсіздік те ұмытылады. Бірде «шеткі аймақ», бірде «қазақ өлкесі», енді бірде «одақтас республика» атанып, бодан да болып, шылауда қала бердік. Енді еңсе көтерген шақта өз ортамыздан шыққан Президентті салтанатты түрде антқа келтіріп жатсақ, біздің бодандық қамытын серпіп, бостандық туын көтеріп жатқанымыздың белгісі емес пе? Ендеше, қалайша қуанбассың, қалайша шаттанбассың!

Кезінде еңсесі биік ел болған, қырық күндік жерден елшілер хабар жіберетін ордасында хан отырған, сол елдің елдігін сақтар ұлдары атқа қонған қазақтың қалың, депутат Қадыр Мырзалиевше айтсақ «оқулығы жұп- жұқа» тарихына қарасақ, бізде де антқа келтіру дәстүрі болғанға ұқсайды. Бозқасқа шалған соң, оның қанына саусағын малып, бәрі де ант берген. Елге, жерге, адалдықты танытқан.

[Введите текст]

«Уәде- құдай аты» дейтін халық үшін анттың жөні мүлде бөлек. Ант-аксиома. Антты бұзғанды адамға есептемеген. Ендеше, сөзді қадір тұтқан, сөзге тоқтап, сөзді сыйлаған халық үшін анттан жоғары тұратын сөз болмақ емес.

Халық болса »Қазақстан» атты ұлы кемеңіз тағдырын бір ғана Назарбаевқа сеніп беретінін байқатты. Қазақстандықтар түгел дерлік Нұрсұлтан Назарбаевқа дауыс беру арқылы оның саясатын қолдайтынын, оның қайраткерлігін құп көретінін мәлімдеді.

Қазақстанға тұтқа, қалқан, қорған кім бола алмақ? Президент. Онда да тек Президент Назарбаев. Қазақстанның іргесін бекітіп, шаңырағын биіктету аумалы- төкпелі шақта Нұрсұлтан Назарбаевтың ғана қолынан келмек. Оның қолына бүкіл халықтың мандатын ұстату- істе бекем, сөзде берік болуына кепілдік береді. Кіммен сөйлеспесін, қандай мінбеге шықпасын, нендей шешім қабылдамасын енді «Мен Қазақстанның бүкіл халық сайлаған Президентімін» деп мәлімдей алады. Абырой болғанда үлгеріппіз.

Қазақстан бұрынғы одақтың бұғау- қамалын ысырып, әлемдік қатынастарға ұмтылып келеді. Басқа дүние, әсіресе, Батыс жағы Қазақстан деген ел барын біліп жатыр. Қалай десек те, Нұрсұлтан Назарбаевты президент етіп сайлау бізді демократия даңғылына жақындата түсті.

Бұл шынында да асқарбас айтатын сәт еді. Талай рет туы тігіліп, талай рет қайта қисайған, талай мемлекеттің құрамында болып, талай тұста мемлекетсіз қалған көне де, жаңа қазақ ұлысы қайтадан әлемдік дүбірге қосылып отыр. Жаңа мемлекет өзінің бүкіл халық сайлаған Президентінің қолына мандат тапсырып жатса, бұл енді қайтадан әлемдік дүбірге, додаға қосыламын деген талпынысы.

Президент алда қиындықтар көптігін айтты. Сол қиындықтардан абыроймен шығу үшін алдымен татулық, бірлік керектігін айтты. «Мені сайласандар, енді жұмақ орнатамын» демеді. Тек, бірлескен жағдайда, бір мүдде тұсында тоғысқан кезде ғана қазіргіден жақсы, әлемдік деңгейдегі қоғам құра алатынымызды ауызға алды. Экономикада түбегейлі өзгеріс керек. Бірақ, оны бұған дейінгі толық қиратып барып, жүзеге асырам деу бос әуре. «Оның бәрін біз бастан кешірдік»-, деген Президент. Кешегі революцияның өзіне дейінгі тас- талқан қиратқаны, бүкіл материалдық және моральдық байлықтарды ысырып тастағаны ақыры береке берген жоқ. Біртіндеп ең кедей елге, ең жоқ – көп елге айналып шыға бердік.

[Введите текст]

«Ел көшін басту - маған сын, мені қоштау- елге сын», - деді Президент.

Қалалардың да адамдар сияқты өз тағдыры болады. Астананы тек мемлекет басшылары ғана құрмайды, астана да ел басшылығын қалыптастырады. Астана келбеті- ұлт келбеті. Жаңа астананың қаласы да, адамдардың санасы да жаңа болсын. Астана- Отанымыздың жүрегі, тәуелсіздігіміздің тірегі. Астананың абыройы- қазақ руханиятының абыройы. Жаңа Астана- ежелгі қазақ жерінің төрі. Жаңа Астана- тәуелсіз Қазақстан үшін жарқын келешектің нышаны. Тарихымыздың жалғасы, өміршең істеріміздің арнасы бұдан былай да жаңа Астанада жалғасын таба беруі тиіс.

Астана бұрын Қараөткел, Ақмола, Целиноград деп аталған. Қала Қазақстанның солтүстік жағында орналасқан, сондықтан қысы суық, аязды, боранды, жауын- шашынды болады. Астана өсіп келе жатқан қала. Қазір Астана Қазақстан Республикасының астанасы.

Бұрынғы Ақмола қаласы 1953 жылдан бастап, Қазақстан жерінде тыңның көтерілуіне байланысты «Целиноград» деп аталған еді. 1995 жылдан бастап, «Ақмола» атын қайтып алды. 1998 жылдың жазынан бастап Қазақстан Президентінің жарлығымен «Астана» деген атқа ие болды. Мұнда жүзден астам ұлт өкілдері тату-тыныштықта өмір сүреді. Жаңа Астанада көптеген ғимараттар салынып жатыр. Ақын Сәкен Сейфуллиннің мұражайы, ескерткіші бар. Көрнекі көшелердің біріне Төле, Әйтеке, Қазбек билердің ескерткіштері орнатылды. Қалада қырық шақты орта мектептер, колледж-лицейлер, дәрігерлік институт тағы басқа оқу орындары бар. Ақмолаға келген қонақтарды «Турист», «Ақмола», «Есіл» қонақ үйлері қарсы алады. «Голдан» қазақ- түрік фирмасы жұмысшыларының күшімен «Астана» қонақ үйі салынды. Бұл қала нағыз ғылымның, мәдениеттің қаласы болады. Астананы Қазақстанның басқа қалаларымен және шетелдермен қатыстыратын темір. әуе жолдары бар.

Астана- мемлекет дидары, халық мерейі. Күллі әлем атын енді жаттай бастаған жаңа Астана біздің жас мемлекетімізге деген назарды арттыра түсері сөзсіз. Оның біз жетпек биіктердей өрелі, біз орнатпақ қоғамдай тартымды болып көркейіп өсуі жолында күш-жігерді аямаймыз. Біздің жаңа Астананы, жаңа Астананың бізді ұятқа қалдырмайтынына нық сенімдіміз.